



# Hantie wittins

- Giein fause wittins oan this foarm is agin tha laa an ye cud get pit in gaol fur up tae six monds or hae a skaith o £5000 or baith. Gin ye wur axed tae fill in this foarm, an ye dinnae gie tha wittins, ye'r gan agin tha laa an cud hae tae pye a skaith o up tae £1000.
- Ye cannae voàt at tha lections gin yer naem isnae oan tha lectoral leet.
- Tha leet nicht cud be yaised wi fowk furtae desarn shud the' lat ye tak oan a len o siller. Gin ye'r no oan tha leet, ye nicht fyn it crankie eneuch tae get tha len o siller, apen a baunk accoont or get credit.

Fill in tha foarm tentilie an sen it back tae tha Lectoral Oaffis (fur tha bakkins o tha airt oaffises, phoàne tha helpline or leuk tha wabsteid – hae a leuk ablow fur rinnins). Mine this foarm houls hiddlin wittins anent yersel 'at nicht cud be hantie tae crìminals. Ye be tae sen it bak tae naebodie ither nor tha Lectoral Oaffis fur Norlin Airlan.

- We maun hae yin foarm fur ilka bodie.
- Ye maun gie tha date ye wur boarn an yer Lede Assurance nummer an pit yer han tae tha foarm yer ainsel – naebodie else can pit thair han tae it fur ye.
- You maun be a resydentèr o Brittain, Airlan, tha Commonwealth or Claught Euraip, an ye maun gie yer lede lealtie oan tha foarm.
- Ye maun hae leaved in Norlin Airlan fur tha thie monds jist by.

Quhaniver tha foarm wuns tae us, we'r fur preein tha wittins ye hae gien. Gin we aloo yer seekin, we'll cheyngè ye yer rinnins, or less pit thaim oantae tha leet, athin six weeks. We'll pit a lettèr tae ye giein ye tha owercome o yer seekin.

Gin we'r leukkin onie mair wittins, we'll pit a lettèr oot tae ye. We nicht cud leuk pruif o tha wittins ye hae gien us.

## Tha fu an redactit lectoral leets

**Tha redactit leet.** Gin ye pit a tìck at tha 'redactit leet' boax, yer naem an bakkin wunnae kythe oan tha redactit leet, 'at oniebodie is fit tae cowff or yaise fur onie hannlin ava. Onie bodie, consarn or societie takkin in 'orra poàst' consarns is fit tae cowff a scrow o tha redactit leet fur tha daeins o thair consarn, tha like o mercatin.

**Tha fu leet** pits doon tha naem an bakkin o aabodie registratit. Accoordin tae tha laa, sindèrie apen agentries an fowk, takkin in fowk in poalytics, can hae tha fu leet. Oniebodie can hae a sicht o't; it wad be agin tha laa tae han ower or yaise tha wittins fur indraucht's at's no tha yins tha laa alloos, but. Agentries giein rede anent whuther fowk's guid fur credit yaises tha fu leet, but jist tae pree yer naem an bakkin gin ye'r pittin in fur credit.

## Tha lectoral identitie caird

Gin ye dinnae hae a passport, GB or NA driver's leeshins, Translink Senior SmartPass, 60+ SmartPass, War Disabled SmartPass or Blind Person's SmartPass, ye maun hae a lectoral identitie caird furtae voàt at lections in Norlin Airlan. Pit a tìck in tha "Lectoral ID Caird" boax an lap yer lekness in color tha bouk o yin fur a passport in wi yer foarm (schieve quhit the' caa ye an tha date ye wur boarn oan tha baak of tha lekness) along wi a swatch o a blaud giein yer rinnins an lekness thegither. Insteid, ye'll can pit in yer ainsel at an Airt Oaffis quhaur the'll tak yer photie wi nae chairge an ye'll no be tae hae tha swatch giein yer rinnins an lekness thegither. Fur mair wittins awn wi us or ingang oor wabsteid (leuk ablow).

## Quhit-wye we'r fur hannlin hiddlin wittins anent yersel

Tha wittins gien oan yer petitor's foarm nicht be gien tae agentries wi tha ontak fur preein o soumes an guidin lede siller furtae stap an spier oot intak.

Fur mair wittins, we'd be ableeged gin ye'd ingang oor wabsteid or awn wi tha Wittins Oaffyser at tha bakkin ablow.

## Quhit-wye tae awn wi us

Oor bakkin is:  
Lectoral Oaffis fur Norlin Airlan  
St Anne's Haa  
15 Kirk Raa  
Bilfawst BT1 1ER

Oor Helpline is apen ilka day oottakkin Setterday an tha Sabbath atween 9 in tha morn an 4.30 in tha eftèrnin:  
Freephoàne nummer 0800 4320712.

Taxtphoàne: 0800 3284 502

Wabsteid: [www.eoni.org.uk](http://www.eoni.org.uk)

This foarm can be pit tae yer han in layoots wi big prent, Braille an soon, an a clattèr o sindèrie leids, gin ye spier.